

ქ. თბილისი

№ I 08/1-1

01. 08. 2019



ურთიერთთანამშრომლობის მემორანდუმი

სსიპ - დავით აღმაშენებლის სახელობის საქართველოს ეროვნული თავდაცვის აკადემიასა და სსიპ - საქართველოს ეროვნულ მუზეუმს შორის

სსიპ - დავით აღმაშენებლის სახელობის საქართველოს ეროვნული თავდაცვის აკადემია (შემდგომში - „აკადემია“) წარმოდგენილი რექტორის ბრიგადის გენერალ მალხაზ მაკარაძის სახით და სსიპ - საქართველოს ეროვნული მუზეუმის (შემდგომში - „მუზეუმი“), წარმოდგენილი მისი გენერალური დირექტორის - დავით ლორთქიფანიძის სახით (შემდგომში - „მხარეები“), ანიჭებენ რა, განსაკუთრებულ მნიშვნელობას აკადემიასა

და მუზეუმს შორის განათლების სფეროში თანამშრომლობის დამყარებასა და განვითარებას;

აღიარებენ რა თითოეული მხარის ინტერესებს, ხელი შეუწყონ საგანმანათლებლო სივრცის განვითარებას;

ეყრდნობიან თანასწორობისა და ურთიერთპატივისცემის პრინციპებს, თანხმდებიან შემდეგზე:

1. მემორანდუმის საგანი

წინამდებარე ურთიერთთანამშრომლობის მემორანდუმით (შემდგომში - მემორანდუმი) მხარეები თავიანთი კომპეტენციის ფარგლებში, საქართველოს კანონმდებლობის შესაბამისად, გამოხატავენ და ადგენენ, განათლებისა და კულტურის სფეროში ურთიერთთანამშრომლობის საერთო მზადყოფნას.

2. მემორანდუმის მიზანი

მემორანდუმის მიზანს წარმოადგენს თანამშრომლობა მხარეთა საერთო ინტერესების სფეროში შემავალ აქტუალურ საკითხებზე, ერთობლივი პროფესიული და სასწავლო-საგანმანათლებლო პროექტების, ღონისძიებების დაგეგმვასა და განხორციელებაში.

3. მემორანდუმის ამოცანები

მემორანდუმის ამოცანებია:

- 3.1. აქტუალურ საკითხებზე ერთობლივი სამუშაო შეხვედრების, კონფერენციების, სემინარების ორგანიზება;
- 3.2. საერთო ინტერესების სფეროში შემავალი საკითხების კვლევა და სასწავლო-საგანმანათლებლო პროექტების განხორციელება;
- 3.3. ორმხრივი ინტერესის სფეროში შემავალი ინფორმაციის გაცვლა;
- 3.4. ორმხრივი თანხმობის შემთხვევაში, საკუთარი კომპეტენციის ფარგლებში, ერთობლივი სასწავლო პროგრამებისა და პროექტების შემუშავება ან/და კონსულტაციის გაწევა აღნიშნული პროგრამებისა და პროექტებისათვის მასალების მოძიების პროცესში;
- 3.5. ორმხრივი თანხმობის შემთხვევაში, სასწავლო ტრენინგ-კურსების განხორციელება;
- 3.6. საჭიროების შემთხვევაში, საერთაშორისო პროექტებში ერთობლივი მონაწილეობა;

- 3.7. თანამშრომლობის მიზნების მისაღწევად კანონმდებლობით ნებადართული სხვა ღონისძიებების განხორციელება;
- 3.8. აკადემიის პირადი შემადგენლობისა და იუნკერთათვის ეროვნული მუზეუმისა და მის შემადგენლობაში არსებულ დაწესებულებებში უფასო ვიზიტის (მათ შორის გამოფენებსა და სხვადასხვა ღონისძიებებზე დასწრების) უზრუნველყოფა;
- 3.9. აკადემიის მიერ წარმოდგენილი პირადი შემადგენლობისა და იუნკრების ჩართვა მუზეუმის არქეოლოგიურ საველე სამუშაოებში;
- 3.10. საჭიროებისამებრ ადამიანური რესურსითა ან/და მატერიალურ-ტექნიკური საშუალებებით ორმხრივი დახმარება.

4. მხარეთა უფლებამოსილებანი

- 4.1. თანხმობის საფუძველზე, მხარეებს უფლება აქვთ, ერთობლივი ღონისძიებების ჩატარებისა და ერთობლივი პროექტების განხორციელებისათვის, გამოიყენონ მეორე მხარის კუთვნილი რესურსები;
- 4.2. მემორანდუმი არ ითვალისწინებს მხარეებს შორის რაიმე სახით და/ან ფორმით ფინანსური ვალდებულებების წარმოშობას, თუ სხვა რამ არ იქნა დადგენილი დამატებითი შეთანხმების საფუძველზე.

5. ფორსმაჟორი

მხარე, რომელსაც ფორსმაჟორული გარემოებების გამო ხელი შეეშლება თავისი ვალდებულებების შესრულებაში, არ უნდა იქნას განხილული ამგვარი ვალდებულებების დამრღვევად და ფორსმაჟორულ გარემოებათა შედეგების შესამსუბუქებლად გამოყენებულ უნდა იქნას ყველა შესაძლო საშუალება. ამავე დროს მხარეებმა ერთმანეთთან უნდა აწარმოონ კონსულტაციები წინამდებარე მემორანდუმის შემდგომი განხორციელების საშუალებებზე.

6. მემორანდუმის მოქმედების ვადა და შეწყვეტა

- 6.1. წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს განუსაზღვრელი ვადით;
- 6.2. მიზეზის დასახელების გარეშე წინამდებარე მემორანდუმის გაუქმება შესაძლებელია მეორე მხარისთვის 15 (თხუთმეტი) კალენდარული დღით ადრე წერილობითი შეტყობინების მიწოდების საფუძველზე;
- 6.3. კონკრეტული მიზეზის მითითებით მემორანდუმის გაუქმება შესაძლებელია მეორე მხარისათვის 7 (შვიდი) კალენდარული დღით ადრე წერილობითი შეტყობინების საფუძველზე;
- 6.4. მემორანდუმის გაუქმების შემდეგ მხარეები (მათი შესაძლებლობების ფარგლებში) ვალდებული არიან, განახორციელონ ყველა შესაბამისი და აუცილებელი ღონისძიება

მემორანდუმის ფარგლებში დაწყებული პროექტების დასასრულებლად.

7. დასკვნითი დებულებები

- 7.1. მხარეებს შორის კომუნიკაცია ხორციელდება წერილობითი ფორმით (ფოსტის ან ელექტრონული ფოსტის მეშვეობით);
- 7.2. მხარეთა ორმხრივი წერილობითი შეთანხმების საფუძველზე, მემორანდუმში შესაძლებელია შეტანილ იქნას ცვლილებები და დამატებები, რომლებიც მემორანდუმის განუყოფელ ნაწილს წარმოადგენენ.
- 7.3. მემორანდუმის შესრულებასა და განმარტებასთან დაკავშირებული სადავო საკითხები გადაიჭრება მხარეთა შორის კონსულტაციებისა და მოლაპარაკებების გზით. შეთანხმების მიუღწევლობის შემთხვევაში, დავას განიხილავს საქართველოს სასამართლო.
- 7.4. მემორანდუმში შედგენილია ორი თანაბარი იურიდიული ძალის მქონე ეგზემპლარად და ინახება მხარეებთან.

მხარეთა რეკვიზიტები და ხელმოწერა

სსიპ - დავით აღმაშენებლის
სახელობის საქართველოს
ეროვნული თავდაცვის აკადემია

რექტორი

ბრიგადის გენერალი

მალხაზ მაკარაძე


მის: ცხინვალის გზატკეცილი, მე-3 კმ.
გორი, საქართველო

ვებგვერდი: www.eta.edu.ge

ელფოსტა nda@mod.gov.ge

ს/კ 218083222

სსიპ - საქართველოს ეროვნული
მუზეუმი

გენერალური დირექტორი

დავით ლორთქიფანიძე


მის: შოთა რუსთაველის გამზირი 109
თბილისი, საქართველო

ვებგვერდი: www.museum.ge

ელფოსტა info@museum.ge

ს/კ 204468664